

আকাশের আঙিনায় পেসমেকার

মরার আগে একবার শব হয়েছি

একবার

সব গ্লানি দুঃখ যন্ত্রণা বৈভব অনক্ষর

যমজ হৃদয়ের উপমেরু এখন উন্মুক্ত কারাগার।

একদিন সুস্মিত করতালির শেষে

যে যার বাড়িতে ফিরে গেল

দীর্ঘাসের রোমগুলি দিগ্ভ্রুট

জলাতঙ্ক রোগের ছন্দবদ্ধ মহড়া প্রতিনিয়ত।

এখন রোবটের মত তন্দ্রাবেশে কথা বলি

কৃত্রিম হাসি অপুতুল বাটিতে খাই

রঙিন মাটির জিষুবৃত্তে পদাচরণ

সার্কিট হাউজের সুবিন্যস্ত বধ্যভূমিতে নিদ্রা যাই।

মধ্যাহ্নের স্রগ থেকে সূর্য তপ্তকাঞ্চন ঝরায়

দীর্ঘদেহী তালবীথির স্বরলিপি অন্ধিদন্ধ

গোধূলির পর শর্বরীর অনিবার্য আগমন

দিগন্তজোড়া আকাশের আঙিনায় পেসমেকার

আলিফ নবী ওমর